



ШХТНИНГ УФА САММИТИ

Аввал хабар қилинганидек, Ўзбекистон Республикаси Президенти Ислам Каримов 9-10 июль кунлари Россия Федерациясининг Уфа шаҳрида Шанхай ҳамкорлик ташкилотига аъзо мамлакатлар Давлат раҳбарлари кенгашининг навбатдаги мажлисида иштирок этди.

Саммитнинг асосий тадбирлари 10 июль кунли бўлиб ўтди. ШХТга аъзо мамлакатлар Давлат раҳбарлари кенгашининг мажлиси тор доирадаги учрашув билан бошланди. Унда Ўзбекистон Республикаси Президенти Ислам Каримов, Қозғистон Республикаси Президенти Нурсултон Назарбоев, Хитой Халқ Республикаси Раиси Си Цзиньпин, Қирғизистон Республикаси Президенти Алмазбек Атамбоев, Россия Федерацияси Президенти Владимир Путин, Тожикистон Республикаси Президенти Имомали Раҳмон иштирок этди.

Мажлисида халқаро ва минтақавий аҳамиятга молик долзарб масалалар, ШХТни янада ривожлантириш истиқболлари юзасидан фикр алмашилди.

Шанхай ҳамкорлик ташкилоти амалий мулоқот ва минтақавий ҳамда глобал муаммоларни самарали ҳал этиш учун қулай имконият экани таъкидланди.

ШХТга аъзо мамлакатлар давлат раҳбарлари мажлиси кенгайтирилган таркибда давом эттирилди. Унда қўзғатувчи давлатлар раҳбарлари, мулоқот бўйича шериклар ва халқаро ташкилотлар вакиллари ҳам иштирок этди.

Президентимиз Ислам Каримов ўз нутқида тобора глобал тус олиб бораётган таҳдид ва хавф-хатарларга қарши курашиш, ШХТ фаолиятини кенгайтириш ва такомиллаштириш масалалари бўйича ўз мулоҳазаларини билдирди.

Шиддат билан ўзгариб бораётган ҳозирги замоннинг долзарб муаммоларини ҳал қилишда, хавфсизлик, барқарорлик ва илмий тараққиётни таъминлашда Шанхай ҳамкорлик ташкилотининг таъсири ва нуфузи ошиб бормоқда. Бу ШХТга тўлақонли аъзо бўлиш, қўзғатувчилар ва мулоқот бўйича шериклар қаторига қўшилиш истагини билдирган давлатлар сафи кенгайиб бораётганда намоён бўлмоқда ва бу табиий жараёндир, деди Ислам Каримов.

ШХТ Хартияси ва ташкилотнинг барча асосий ҳужжатларида мустаҳкамланган ҳамда ШХТ фаолияти бошқа давлатларга қарши йўналтирилмаганини таъминлайдиган таъминлаш қатъий амал қилиш ва уни янада мустаҳкамлаш зарур.

Бошқача айтганда, Шанхай ҳамкорлик ташкилотини ҳарбий-сиёсий альянсга айлантирмаслик, ШХТни ташкил этишдан қўзланган мақсад ва принципларга содиқ қолиш ва уларни янада мустаҳкамлаш даркор, деб таъкидлади Президентимиз.

Давлатимиз раҳбари Афғонистон муаммосини ҳарбий йўл билан ҳал этиб бўлмаганини, унинг ягона йўли — донор мамлакатларнинг молиявий-иқтисодий ва гуманитар ёрдамида ва БМТнинг фаол иштирокида фақат тинч сиёсий музокара-лар ўтказиш, қарама-қарши томонлар ўртасида ўзаро қелишувга эришиш эканини қайд этди.

Ўзбекистон қўшни сифатида Афғонистонга мунтазам ёрдам бериб келмоқда, транспорт коммуникацияларини барпо этиш, аҳолини электр энергияси билан таъминлаш лойиҳаларини амалга оширмоқда, инсонпарварлик ёрдамини етказиб бермоқда.

Ўзбекистон Афғонистон билан муносабатларни миллий манфаатлардан келиб чиқиб, Афғонистон халқи тағаллан йўлни ҳурмат қилган ҳолда давом эттирмоқда.

Маълумки, ШХТга раислик Ўзбекистонга ўтди. Шу муносабат билан Ислам Каримов Ўзбекистон Республикаси ШХТ ташкил топганининг 15 йиллиги нишонланадиган йилда ташкилотга раислик қилишда масъулиятни вазифани зиммасига олаётганини ва бу, ўз навбатида, истиқболда кўзда тутилган режаларни муваффақият-ли амалга оширишда умумий масъулиятни янада оширишни таъкидлади.

Ўзбекистон ташкилотга раис сифатида мавжуд аъзоларга амал қилиш, ШХТга аъзо мамлакатлар манфаатларига мос келадиган ҳамкорликни изчил мустаҳкамлаш ва ривожлантириш, шунингдек, ташкилотнинг халқаро майдондаги нуфузини янада ошириш принципларига қатъий риоя этиди.

Терроризм, экстремизм ва сепаратизмга қарши биргаликда курашишни кучайтиришга доир чора-тадбирлар ишлаб чиқиш, халқаро ва минтақавий хавфсизликка таҳдидларнинг олдини олиш, ташкилотга аъзо давлатлар иқтисоди-ётини барқарор юксалтириш ва уларнинг ижтимоий тараққиётини таъминлаш ташкилот олди-даги долзарб вазифа бўлиб қолаверади.

Минтақада барқарорлик ва тараққиётнинг ишончли кафолати сифатида ШХТ ролини янада мустаҳкамлаш мақсадида унга аъзо мамлакатларнинг ўзаро ҳамкорлигини кенгайтириш, БМТ ва бошқа халқаро ташкилотлар, манфаатдор давлатлар билан муносабатларни изчил ривожлантириш чора-тадбирларига алоҳида аҳамият берилади.

Ўзбекистон ШХТга раислиги доирасида маданий-гуманитар, илм-фан ва таълим соҳаларида самарали минтақавий ҳамкорликни қўллаб-қувватлашга доимий эътибор қаратади, деб таъкидлади Ислам Каримов.

Саммит якунида Уфа декларацияси, ШХТни 2025 йилгача ривожлантириш стратегияси ва 2016-2018 йилларда терроризм, сепаратизм ва экстремизмга қарши курашиш бўйича ҳамкорлик дастури қабул қилинди. Хиндистон ва Покистонни ШХТга қабул қилиш жараёнини бошлаш, Беларусь Республикасига қўзғатувчи, Озарбайжон, Арманистон, Камбоджа, Непал давлатларига мулоқот бўйича шерик макomini бериш бўйича қарорлар имзоланди.

Ўзбекистон Президенти Шанхай ҳамкорлик ташкилотининг Уфа саммити доирасида 10 июль кунли Хитой Халқ Республикаси Раиси Си Цзиньпин билан учрашди. Томонлар ўзаро муносабатларнинг бугунги ҳолати ва уни янада ривожлантириш истиқболларини атрафлича муҳокама қилдилар.

Ислам Каримов кенг қўламли Ўзбекистон — Хитой муносабатлари икки давлат раҳбарларининг дўстлик ва ўзаро ишончга асосланган мулоқотлари негизда тобора ривожланиб бораётганини таъкидлади.

Хитой билан иқтисодиёт, транспорт коммуникациялари, таълим каби қатор соҳаларда йирик лойиҳалар амалга оширилмоқда. Урта Осиё — Хитой газ қувири, Ангрэн — Поп электрлаштирилган темир йўл линияси, Ангрэнда автомобиль ва қишлоқ хўжалиги техникаси учун шиналар ҳамда конвейер лентаси ишлаб чиқариш йўлга қўйилгани муваффақиятли ҳамкорликнинг ёрқин намуналаридир.

Товар айирбошлаш ҳажми сўнгги 6 йилда 3 қарра ортгани эътиборга молик. 2008 йилда бу кўрсаткич 1,5 миллиард долларни ташкил этган бўлса, 2014 йилда 4,7 миллиард долларга етди.

Си Цзиньпин давлатимиз раҳбарини жорий йил март ойида бўлиб ўтган Президент сайло-видаги ғалабаси билан яна бир бор табриклаб, Ўзбекистон халқи Ислам Каримов раҳбарлигида барча соҳаларда янада катта ютуқларни қўлга киритишига ишонч билдирди.

ХХР Раиси Хитой томони Ўзбекистонда тиббиёт, таълим ва ахборот-коммуникация техно-логиялари соҳаларидаги ислохотларни қўллаб-қувватлаш учун техник ёрдам сифатида 350 миллион юань миқдорида грант ажратганини маълум қилди.

Учрашувда ШХТ доирасидаги ҳамкорлик масалалари юзасидан ҳам фикр алмашилди.

Ўзбекистон Республикаси Президенти Ислам Каримов шу кунни Россия Федерацияси Президенти Владимир Путин билан учрашди.

Ушбу учрашув Ўзбекистон билан Россия ўртасида иттифоқчилик муносабатлари ўрнатилгани-нинг 10 йиллигида ўтаётгани ҳамда ҳамкорлик-нинг барча устувор ва истиқболли йўналишлари бўйича фикр алмашиш учун қулай фурсат экани таъкидланди.

Президентлар сиёсий, савдо-иқтисодий ва гуманитар ҳамкорлик масалаларини муҳокама қилдилар. Минтақавий хавфсизликка доир дол-зарб масалалар юзасидан фикр алмашилди.

Ўзбекистон ва Россия ШХТ ва МДХ доираси-да фаол ҳамкорлик қилаётгани қайд этилди.

Россия Ўзбекистоннинг йирик савдо-иқтисод-дий ва сармоявий шерикларидан бири эканлиги таъкидланди. Мамлакатларимиз ўртасида товар айирбошлаш ҳажми изчил ортиб бораётди. 2014 йилда бу борадаги кўрсаткич 6 миллиард дол-лардан ошган.

Владимир Путин Ислам Каримовни давлат таши-рифи билан Россия Федерациясига тақлиф этди.

Шу билан Ўзбекистон Республикаси Прези-денти Ислам Каримовнинг Уфа шаҳрига ташри-фи якунига етди.

Матназар ЭЛМУРОВ,
ЎзА махсус мухбири
Тошкент — Уфа — Тошкент.

■ ФРАКЦИЯ ПОЗИЦИЯСИ

Олий Мажлис Қонунчилик палатасидаги ЎзХДП фракциясининг навбатдаги йиғилишида «Аҳолининг санитария-эпидемиологик осойишталиги тўғрисида»ги Ўзбекистон Республикаси қонуни лойиҳаси иккинчи ўқишда атрафлича муҳокама этилди.



САНИТАРИЯ-ЭПИДЕМИОЛОГИК ОСОЙИШТАЛИКНИ ТАЪМИНЛАШ – ДОЛЗАРБ МАСАЛА

ЎзХДП фракцияси бу борадаги қонун лойиҳасини янада такомиллаштириш зарур, деб ҳисобламоқда

Йиғилишда ЎзХДП фракцияси раҳбари Хотамжон Кетмонов аҳоли-га бирламчи тиббиёт-санитария ёрда-мини янада кенгайтириш ва унинг си-фатини ошириш муҳим масала экан-лига алоҳида эътибор қаратди. Жум-ладан, партиянинг Сайловолди дасту-рида, айниқса, олис қишлоқ аҳоли пунктларининг аҳолисига бирламчи тиббий ёрдамдан қулай ва тез фой-

даланиш имкониятини таъминловчи қишлоқ врачлик пунктлари тармоғини кенгайтириш бўйича чоралар қўриш лозимлиги қайд этилганини таъкид-лади.

Бунда имтиёзли ва бепул асосда малакали тиббий-санитария ёрдами кўрсатилишини тартибга солувчи те-гишли қонунчилик ҳужжатларининг сўзсиз ижроси устидан тизимли на-

зорат самарадорлигини ошириш дол-зарб масаладир.

Йиғилишда таъкидландики, ЎзХДП фракцияси аҳолига малакали тибби-ёт-санитария ёрдамини кўрсатиш бил-ан боғлиқ тегишли қонунлар ва бош-қа норматив ҳуқуқий ҳужжатларни та-комиллаштиришни муҳим вазифа, деб ҳисоблайди.

► Давоми 2-бетда.

! ЎзХДП САЙЛОВОЛДИ ДАСТУРИ ИЖРОСИ

Сессия муҳокамасидаги масала

депутатлар, ҳокимликлар ва мутасадди ташкилотлар ҳамжиҳатлигида ҳал этилмоқда

■ Бугунги кунга келиб мамлакатимиз ижтимоий-сиёсий ҳаётида сиёсий партияларнинг таъсир кучи сезиларли даражада ошди. Худудларни ижтимоий-иқтисодий ривожлантиришнинг долзарб масалаларини кўтариб чиқишда депутатлик бирлашмаларининг ҳуқуқ ва ваколатлари кенгайди. Шунинг учун халқ депутатлари маҳаллий Кенгашларидаги ЎзХДП гуруҳла-ри ўз фаолияти самарадорлигини кучайтиришга, электорат манфаатлари ҳимояси йўлида ташаббускорликни янада оширишга эътибор қаратмоқда. Натижада ижтимоий-иқтисодий жараёни чуқур таҳлил этиш, муаммо-лар ечими бўйича тақлифлар бериш кўникмаси шаклланди, бу борада партия тизимида ўзига хос механизм юзага келмоқда.

Хўш, сайловдан кейинги 6 ой давомида маҳаллий Кенгашлардаги ЎзХДП гуруҳ-лари Сайловолди дастури ижросини таъминлаш, электорат манфаатларини ҳимоя қилиш бўйича қандай ташаббус-лар билан чиқди?

Ўзбекистон Халқ демократик партия-си Марказий Кенгаши бўлим мудирини Боймурод Юсуповнинг айтишича, халқ

депутатлари вилоят Кенгашларида 214 на-фар, туман ва шаҳар Кенгашларида эса 1659 нафар ЎзХДП депутати фаолият юритмоқда. Уларнинг вакиллик ҳокимиятида, тегишли худудда ўз ўрни бор. Масалан, вилоят ёки туман миқёсида амалга оширилаётган кўпга-на ташаббуслар ортида партияимиз вакилла-рининг ҳиссаси ортиб бормоқда.

► Давоми 2-бетда.

ЎзХДП мамлакатимизнинг ўсиб бораётган иқтисодий салоҳиятидан аҳолининг барча қатламлари, шу жумладан, унинг кам таъминланган гуруҳлари турмуш даражасини яхшилаш учун фойдаланишга қаратилган стратегик йўналишни фаол қўллаб-қувватлайди. Шу мақсадда партия ўзининг барча ташкилотлари, Олий Мажлис Қонунчилик палатасидаги фракцияси ва халқ депутатлари маҳаллий Кенгашларидаги партия гуруҳлари сайё-ҳаракатларини ушбу йўналишдаги амалий ишларда иштирок этишга қаратади.

Ўзбекистон Халқ демократик партияси Сайловолди дастуридан.



Ўнингчи фестиваль ўзгача ўтади

Самарқандда «Шарқ тароналари» ўнингчи халқаро мусиқа фестивалига кўрилатган тайёргарлик жараёнларига бағишланган матбуот анжумани бўлиб ўтди.

4



СИЁСИЙ ПАРТИЯ ҚАТЪИЯТЛИ
ВА ТАШАББУСКОР БЎЛСА,
жамиятда унинг мавқеи ошади,
мустаҳкамланади



■ Мурожаатда кўтарилган масаланинг илдизига етиб бориш керак

САНИТАРИЯ-ЭПИДЕМИОЛОГИК ОСОЙИШТАЛИКНИ ТАЪМИНЛАШ – ДОЛЗАРБ МАСАЛА

ЎзХДП фракцияси бу борадаги қонун лойиҳасини янада такомиллаштириш зарур, деб ҳисобламоқда

Маълумки, «Аҳолининг санитария-эпидемиологик осойишталиги тўғрисида»ги Ўзбекистон Республикаси қонуни лойиҳаси биринчи ўқишда парламент кўйи палатаси томонидан қабул қилинган эди. Мазкур ҳужжатдан кўзланган асосий мақсад мамлакатимизда санитария-эпидемиология масалаларида аҳолининг осойишталиги ва радиация хавфсизлигини таъминлаш соҳасидаги ижтимоий муносабатларни тартибга солиш, инсоннинг қулай атроф-муҳитга эга бўлиш ҳуқуқи ҳамда у билан боғлиқ бошқа ҳуқуқларни кафолатлашдан иборат. Унда атроф-муҳитни соғломлаштириш, инсоннинг овқатланиш, меҳнат қилиш, турмуш, дам олиш, тарбия ва таълим олиш шарт-шароитларини яхшилашга қаратилган санитария-гигиена ва эпидемияга қарши тадбирлар мажмуини амалга оширадиган меъёрлар ўз аксини топган.

Бунёджон ЭШОНКУЛОВ,
Олий Мажлис Қонунчилик палатаси депутати,
ЎзХДП фракцияси аъзоси:

— Қонун лойиҳасидаги «Ўзбекистон Республикаси Бош давлат санитария вазирлиги ваколатлари» деб номланган моддани «профилактик эмлашларнинг миллий тақвими ва эпидемик кўрсаткичлар бўйича профилактик эмлашлар ўтказиш тартибини тасдиқлайди», «атрофдагилар учун хавф туғдирувчи юкумли ва паразитар касалликлар пайдо бўлиши ҳамда тарқалиши хавфи бўлган тақдирда тегишли



Санжар ШОТЛУЛАНОВ олган суратлар.

санитария-гигиена тадбирлари ва эпидемияга қарши тадбирлар ўтказиш тўғрисида қарорлар чиқарилиши, деган меъёрлар билан тўлдириш лозим, деб ҳисоблаймиз.

Фракциямиз фикрича, профилактик эмлашларнинг миллий тақвими тасдиқлаш Ўзбекистон Республикаси Бош давлат врачининг асосий ваколатларидан бири ҳисобланади. Шунингдек, атрофдагилар учун хавф туғдирувчи юкумли ва паразитар касалликлар пайдо бўлиши ҳамда тарқалиши хавфи бўлган тақдирда тегишли санитария-гигиена тадбирлари ва эпидемияга қарши тадбирлар ўтказиш тўғрисида қарорлар чиқариш муҳим аҳамият касб этади. Бу орқали фуқаролар соғлиғига хавф туғдирувчи юкумли касалликлар пайдо бўлиши, тарқалишининг олди олинади.

Муҳокама чоғида сўз олган фракция аъзолари, шунингдек, мамлакатимизга четдан олиб ки-

рилаётган озиқ-овқат, биологик фаол ва кимёвий моддаларга токсикология-гигиена жиҳатидан баҳолаш асосида рухсатномалар бериш орқали назорат қилиш аҳолининг санитария-эпидемиологик осойишталигини таъминлашда муҳим омил эканини таъкидлаб ўтишди.

Бундан ташқари, қонун лойиҳасига «Радиоактив моддалар ва бошқа ионлаштирувчи нурланиш манбалари билан ишлашга доир талаблар» деб номланган янги модда киритиш таклифи ҳам ўртага ташланди. Ушбу моддада юридик шахслар ва яққа тартибдаги тадбиркорлар радиоактив моддаларни ҳамда бошқа ионлаштирувчи нурланиш манбаларини қавлаб олиш, тайёрлаш, фойдаланиш, уларни ташвиш, сақлаш ва утилизация қилиш жараёнида санитария қоидалари, меъёрлари ва гигиена талабларига риоя этиши шартлигини белгилаб қўйиш лозимлиги қайд этилди.

Феруза ЭШМАТОВА,
Олий Мажлис Қонунчилик палатаси депутати,
ЎзХДП фракцияси аъзоси:

— Қонун лойиҳасидаги «Хориждан олиб кириладиган маҳсулотни етказиб беришга ва реализация қилишга доир талаблар» деб номланган моддасини тўлдириш лозим. Бунда давлат органлари, юридик ва жисмоний шахслар хориждан олиб кириладиган технологияларни, материалларни, хомашёни ва маҳсулотни етказиб бериш, реализация қилиш, улардан фойдаланишда санитария меъёрлари, қоидалари ҳамда гигиена нормативларига риоя этиши шартлиги ҳисобга олинishi зарур.

Шунингдек, қонун лойиҳасидаги «Санитария-гигиена тадбирлари ва эпидемияга қарши тадбирлар» деб номланган моддани тўлдириш бўйича ҳам таклифларимиз бор. Яъни, юридик ва

Бозор муносабатлари ривожланишининг ҳозирги даврдаги реал ҳолати, партия электорати манфаатларини ҳисобга олиб, фракция Ҳукумат томонидан парламентга киритилган мазкур қонун лойиҳасига бир қатор қўшимчалар киритиш таклифини билдирди.

жисмоний шахслар санитария-гигиена тадбирлари ва эпидемияга қарши тадбирлар ўз вақтида ўтказилишини таъминлаш шартлиги белгилаб қўйилиши керак. Чунки эпидемияга қарши тадбирлар ўз вақтида ўтказилиши фуқаролар соғлиғига хавф туғдирувчи юкумли касалликлар пайдо бўлиши, тарқалишининг олдини олади.

Йиғилишда қонун лойиҳасини электорат манфаатлари ҳимояси нуқтаи-назаридан янада такомиллаштиришга қаратилган бошқа таклифлар ҳам билдирилди. Депутатлар тегишли таклифлар ва фикр-мулоҳазалар асосида қонун лойиҳасини маъқуллашди, бу ҳақда фракциянинг тегишли қарори қабул қилинди.

Анвар ШЕРОВ,
ЎзХДП Марказий Кенгаши
Матбуот хизмати ходими.

Денов туман ҳокимлиги, ҳуқуқни муҳофаза қилувчи идоралар, ЎзХДП туман кенгаши ва қатор ташкилотлар ташаббуси билан «Ҳеч ким меҳр ва эътибордан четда қолмасин!» лойиҳаси доирасида боқувчисини йўқотган оилаларнинг 46 нафар фарзанди Термиз шаҳрига саёҳатга олиб борилди. Ёш авлодни ватанпарварлик руҳида тарбиялаш мақсадида ташкил қилинган саёҳат доирасида болажонлар дастлаб Ал Ҳаким ат-Термизий мажмуасида бўлишди. Мустақиллик шарофати билан бу ерда амалга оширилган улкан бунёдкорлик, ободонлаштириш ва кўкаламзорлаштириш ишлари уларда катта таассурот қолдирди.

БОЛАЛАР САЁҲАТИ

— Термиз шаҳрини томоша қилдик. «Ёшлар маркази» билан танишдик. Археология музейи ва ҳайвонот боғи бизда катта таассурот қолдирди. «Дельфин» сузиш ҳавзасида мириқиб чўмилдик, — дейди **34-умумтаълим мактаби ўқувчиси Сайёра Чориева.**

— Ижтимоий ҳимояга муҳтож қатлам вакиллари кўлаб-қувватлаш ва болажонларга қувонч улаштиришда ҳиссамиз қўшилганидан хурсандимиз, — дейди **«Денов нефть база» унитар корхонаси раҳбари, халқ депутатлари туман Кенгашидаги ЎзХДП гуруҳи аъзоси Бахтиёр Янгибоев.**

Ёзги таътил кунларида бу саёҳат улар учун яхши соғва бўлди, деб ўйлайман. Болажонлар маданий ҳордик олиш билан бирга, ободончилик ва бунёдкорлик ишлари билан танишишди.

Абдумалик ХАЙДАРОВ,
«Ўзбекистон овози»
муҳбири.

ЎзХДП САЙЛОВОЛДИ ДАСТУРИ ИЖРОСИ

СЕССИЯ МУҲОКАМАСИДАГИ МАСАЛА

депутатлар, ҳокимликлар ва мутасадди ташкилотлар ҳамжиҳатлигида ҳал этилмоқда

Биз қайси лавозимда, соҳа ва тармоқда ишламайлик, қайси сиёсий партияга аъзо бўлмайлик, ҳудудларни ривожлантириш, унинг муаммоларини ҳал қилиш каби ягона мақсад барчамизни бирлаштиради. Булар кўтарилаётган масаланинг комплекс ҳал этилишида муҳим аҳамият касб этмоқда.

Яқинда Ўзбекистон Халқ демократик партияси Марказий Кенгаши халқ депутатлари маҳаллий Кенгашларидаги ЎзХДП гуруҳларининг доимий комиссия ва сессиялардаги иштирокининг жорий йил 6 ойлик натижаларини умумлаштирди. Маълумотларга қараганда, йилнинг биринчи ярим йиллигида ЎзХДП депутатлари ташаббуси билан партия гуруҳларида 154, доимий комиссияларда 55, сессияларда эса 24 масала кўриб чиқилди.

Маълумки, йил бошида Ўзбекистон Халқ демократик партияси 2015-2019 йилларга мўлжалланган Ҳаракат дастурини қабул қилди. Дастурда партия кенгашлари ва депутатлар зиммасига аниқ вазифалар белгиланган. Ай-тайлик, қайсидир туманда хизмат кўрсатиш ва сервис соҳасини ривожлантиришга эҳтиёж катта бўлса, қайсидир жойда аҳолига кўрсатилаётган тиббий хизмат сифатини ошириш керак. Яна қарердаги касаначиликни ривожлантириш зарур, қайсидир жойда эса аҳолини тоза ичимлик суви билан таъминлашни янада яхшилаш масаласи одамларни ўйлантириб келмоқда. Шунинг учун ЎзХДП Ҳаракат дастурида сайловчилар манфаатларига алоқадор масалалар ҳудудлар кесимида белгилаб берилган.

ЎзХДП гуруҳлари томонидан кўриб чиқилган, доимий комиссия ва сессияларга киритилган масалаларнинг аксарияти Сайловолди дастурига асосланган.

Масалан, Ҳаракат дастури асосида халқ депутатлари Фарғона вилояти, туман ва шаҳар Кенгашларидаги ЎзХДП гуруҳлари томонидан йилнинг биринчи ярим йиллигида 21 масала партия гуруҳларида ва доимий комиссия йиғилишларида кўриб чиқилди. Сессиялар муҳокамасига эса 12 масала олиб

Депутат фикри

Депутатлар, ҳокимликлар ва мутасадди ташкилотлар биргаликда масалани ҳал этиш йўллари излашмоқда. Содда қилиб айтганда, бугунга келиб ҳудудлардаги ижтимоий масалаларни ҳамжиҳатликда ҳал этиш кераклигини депутатлар ҳам, қолаверса, маҳаллий ҳокимликлар, ташкилотлар раҳбарлари ҳам чуқур тушуниб етмоқда. Сессияда иштирок этувчи халқ вакиллари, давлат органи ходимими, барча муаммони ҳал этиш учун жон куйдирапти. Ўрни келганда танқид ҳам тўғри қабул қилинган, ҳамма ўз нуқтаи-назари, ҳудудлар ривож, камчиликларни бартараф этишга қаратилган таклиф ва тавсияларини билдирапти.

чиқилди. Бундай ижобий натижани Сурхондарё, Тошкент вилоятлари ва Қорақалпоғистон Республикасидаги депутатларимиз фаолиятида ҳам кузатиш мумкин.

Албатта, кўпчиликнинг манфаатларига дахлдор масалани ўрганиш, унга муносабат билдириш, таклиф ишлаб чиқиш ўз-ўзидан бўладиган жараён эмас. Бунга осонликча эришиб ҳам бўлмайди, баъзида ҳар хил англашловчиликларни бартараф этишга, баъзан эса турли тўсиқларни енгиб ўтишга тўғри келади. Масаланинг илдизига етиб бориш учун айрим ҳолларда битта соҳа эмас, бир неча тизимни ўрганиш, таҳлил этиш, жойларда қандай ютуқ ёки камчиликлар борлиги, умуман, ҳудуднинг ижтимоий-иқтисодий ривожланиши ва истиқболлари ҳақида яхлит тасаввурга эга бўлиш талаб этилади. Бунинг учун кун-у тун изланиш, жон куйдириш лозим, албатта. Шундагина халқ депутатлари маҳаллий Кенгашлари доимий комиссияларининг йиғилишларида, сессияларда депутат кўпчилигини ўйлантирадиган саволлар ва масалаларни кўтариш, ҳаётий таклифлар айта олади.

Бугун туман ёки шаҳарни ривожлантириш билан боғлиқ қандай масалалар долзарб бўлиб турибди, доимий комиссия ва сессия муҳокамасига масала тайёрлашда қандай тахри-

балар тўпланган. Ушбу савол билан маҳаллий Кенгашлардаги айрим депутатларимизга мурожаат қилдик.

Бўрикул Жаъфаров,
халқ депутатлари Сурхондарё вилоят Кенгашидаги ЎзХДП гуруҳи аъзоси:

— Партиямиз депутатлари ташаббуси билан ҳудудлардаги кўпгина муаммолар ҳал этилаётганини алоҳида таъкидлаш жоиз. Ўтган давр мобайнида бу борада катта тахриба тўпланди, фаолиятимизга янги усуллар жорий этилди. Очигини айтиш керак, илгари партия гуруҳларида, доимий комиссия ва сессияларда кўриладиган масалалар шунчаки расмийчилик учун тайёрланган ҳоллар ҳам учурарди. Бугун эса бу жараёнга муносабат тубдан ўзгарган.

Муайян масала юзасидан дахлдор ташкилот, корхона раҳбарлари ва ижро ҳокимияти вакилларининг ҳам фикрлари тингланаётгани ишлаб чиқилаётган таклифлар, сессияда белгиланаётган чораларнинг ҳар томонлама пишиқ бўлишига хизмат қилмоқда.

Биз қайси лавозимда, соҳа ва тармоқда ишламайлик, қайси сиёсий партияга аъзо бўлмайлик, ҳудудларни ривожлантириш, унинг муаммоларини ҳал қилиш каби

ягона мақсад барчамизни бирлаштиради. Булар кўтарилаётган масаланинг комплекс ҳал этилишида муҳим аҳамият касб этмоқда.

Турсунбой Солиев,
халқ депутатлари Тошкент туман Кенгашидаги ЎзХДП гуруҳи раҳбари:

— Йил бошида аҳолини иш билан таъминлаш, тиббий ва коммунал хизматлар кўрсатиш, пенсия ва ижтимоий нафақаларнинг манзиллигини ошириш, қонунлар ижросини ўрганиш чораларини белгилаб олган эдик. Барча масалалар ҳозиргина партия гуруҳи йиғилишларида кўриб чиқилди.

Хусусан, партиямиз гуруҳи ташаббуси билан халқ депутатлари туман Кенгаши сессиясига «Мақтабгача таълим муассасаларига болаларни жалб қилиш, улар учун яратилган шароитлар ҳамда берилган таълим-тарбиянинг аҳоли тўғрисидаги масала олиб чиқилди. Муҳокамалар жараёнида аксарият боғчаларда «Таълим тўғрисида»ги Қонун талаблари тўлиқ бажарилмаётгани маълум бўлди. Сессияда мутасадди ташкилотлар вакиллари таълим муассасаларидаги хато ва камчиликлар бўйича ўз саволларимизни бердик. Тўғриси, масала сессияда ҳар томонлама чуқур таҳлил қилинди, пухта таклифлар айтилди. Унда мактабгача таълим муассасаларининг талаб даражасида бўлмаган биноларини таъмирлаш чораларини кўриш, уларни тоза ичимлик суви, болаларни сифатли озиқ-овқат таъминлаш билан таъминлашни яхшилаш, тизимдаги кадрлар малакаси ва масъулиятини ошириш бўйича муҳим қарор қабул қилинди.

Кўп ҳолларда ҳудудимиздаги мавжуд муаммолар ўрганилиб, сессияларга киритилса-да, айрим мутасадди корхона ва ташкилотлар раҳбарларининг эътиборсизлиги туфайли уларнинг ижроси вақтида таъминланмапти. Шунинг учун биз тегишли масалаларни сессия кун тартибига киритиш билан чеклан-

Депутат таклифи

Шу ўринда бир нарсани алоҳида таъкидлаб ўтмоқчиман. Ҳар бир депутат ўз сайлов округида аҳолини тегишли маҳаллий Кенгаш иши тўғрисида мунтазам хабардор қилиши, қонунлар, маҳаллий ҳокимият, вакиллик органлари қарорлари ижросини ташкил этиш ҳамда назорат қилишда фаол қатнашиши керак, деб ўйлайман. Бу фуқароларнинг демократик ислохотларга ишончини оширади, одамларга яқин бўлиб, уларнинг талаб ва эҳтиёжларини ўрганиш имкониятларимизни кенгайтиради.

масдан, қабул қилинган қарорлар ижроси устидан депутатлик назоратини кучайтиришга, шу орқали муаммони ўз вақтида ҳал этишга ҳам жиддий эътибор беряймиз.

Яқинда боғчаларда туман Кенгаши сессияси қарори ижроси қандай олиб борилаётгани устидан назорат-таҳлил ўтказдик. Ишлар қарор талаблари даражасида ташкил этилаётганига гувоҳ бўлдик.

Демак, аҳолини ўйлантираётган масала кўтарилса, депутатлар, мутасадди раҳбарлар билан биргаликда рўй-рост муҳокама этилса, сессияларда ҳар томонлама пухта қарор қабул қилинса, ҳудуд ривожланади, бундан ҳамма манфаат кўради. Одамларнинг ўзгариш ва янгилашига, демократик ислохотларга хайрхошлиги ошади. Энг катта ютуқ, энг катта натижа ҳам шунда бўлади, назаримизда.

Лазиза ШЕРОВА.



■ ЎзХДП АҲОЛИГА БИРЛАМЧИ ТИББИЙ-САНИТАРИЯ ЁРДАМИ ВА МАҚБУЛ ТИББИЙ ХИЗМАТ КўРСАТИЛИШINI ЯНАДА КЕНГАЙТИРИШ ВА УНИНГ СИФАТИНИ ОШИРИШНИ МУҲИМ ЙўНАЛИШ, ДЕБ ҲИСОБЛАЙДИ.



■ ЎзХДП СУД ВА СУД ПРОЦЕССИ ИШТИРОКЧИЛАРИ ЎРТАСИДА ЎЗАРО САМАРАЛИ АЛОҚА ЎРНАТИЛИШИ, ЖУМЛАДАН, СУД ҲУҶЖАТЛАРИ ВА ХАБАРНОМАЛАРИНИ ЕТКАЗИШНИНГ ЗАМОНАВИЙ УСЛУБАРИНИ ЖОРИЙ ЭТИШ ОРҚАЛИ ПРОЦЕССУАЛ МЕХАНИЗМЛАРНИ ТАКОМИЛЛАШТИРИШ ТАРАФДОРИ.

МАТБУОТ МАРКАЗИДА

Миллий матбуот марказида Давлат божхона қўмитаси томонидан «Божхона хизмати фахрийларини қадрлаш ва қўллаб-қувватлаш борасида Давлат божхона қўмитаси ва Божхона хизмати фахрийлар уюшмаси томонидан амалга оширилган ишлар» мавзусида матбуот анжумани ўтказилди.

Фахрийлар ҳурмат-иззатда

«Кексаларни эъзозлаш йили» Давлат дастури асосида божхона органлари томонидан қатор хайрли ишлар амалга ошириляётгани таъкидланди. Божхона фахрийларини қўллаб-қувватлаш, муносиб тақдирлаш, саломатликларини мустаҳкамлашга кўмаклашиш, ҳаёт ва меҳнат тажрибаларидан унумли фойдаланиш масалалари Давлат божхона қўмитасининг доимий эътиборида. Хусусан, нафақадаги божхона фахрийлари ҳамда хизмат вазифасини бажариш вақтида ҳалок бўлган божхона ходимларининг оила аъзоларига моддий ёрдам кўрсатилиб, уларнинг ҳолидан хабар олинмоқда.

Бир умр меҳнат қилиб, фарзанд тарбиялаб, эл-юрт қорига яраб яшаётган ҳар бир инсон кексаларга ҳурмат-иззат топишга, эъзозланиб, ҳаётидан рози бўлиб яшашига муносибдир, — дейди **Божхона хизмати фахрийлар уюшмаси раиси Дехқонбой Қудридинов**. — Уюшмага аъзо бўлган божхона фахрийлари ва боқувчисини йўқотган кексаларга ҳамхўрлик қилиш фаолиятимизнинг бош мезони ҳисобланади. Ўтган йили уюшма томонидан фахрийларнинг қўллаб-қувватлаш мақсадида «Ўзбекистон божхона фахрийси» кўрак нишони таъсис этилди. Мамлакатимиз иқтисодий

манфаатларини ҳимоя қилиш ва ҳавфсизлигини таъминлаш, божхона тизимини ривожлантириш ва соҳада эришилган ютуқларга қўшган муносиб ҳиссаси, фидокорона меҳнати учун 30 нафар божхона фахрийси ушбу кўрак нишони билан тақдирланди. Шунингдек, уюшма томонидан фахрийларнинг сихатҳоҳларда даволалишлари учун амалий кўмак кўрсатиб келинмоқда.

Хонадонимиз файзи, оиламиз таянчи, ҳаёт йўлимизнинг нурили чароғбони бўлган бобо-бувиларимиз, ота-оналаримизни ҳар қанча эъзозласак кам, — дейди **Олий ҳарбий божхона институти тингловчиси Бехруз Тўраев**. — Чунки улар нафақат оилада, балки ўқишда, ҳаётда ҳам бизга ўз панд-насихатлари, ўғитлари билан тўғри йўл кўрсатишади. Институтимизда божхона фахрийлари ва бўлажақ божхоначилар ўртасида самарали мулоқот йўлга қўйилган. Биз, ёш кадрларнинг профессионал мутахассис бўлиб етишимизда уларнинг тажрибасидан унумли фойдаланишга алоҳида эътибор қаратилмоқда. Анжуманда журналистлар мавзу юзасидан ўзларини қизиқтирган саволларга батафсил жавоб олишди.

Жўрабек ТўРАХОНОВ

ИЖТИМОЙ ҲИМОЯ



Бектўра ТўРАЕВ олган сурат.

Ёшлар учун янги уйлар

Жиззах вилоятининг Галларол туманидаги Маржонбулак шаҳарчасида тўрт қаватли эллик олти оилага мўлжалланган «Қамолот» уйи бунёд этилиб, фойдаланишга топширилди. Мамлакатимиз Президенти 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида» қарори ижросини таъминлаш юзасидан белгиланган дастур бўйича бунёд этилган хонадонларда ёш оилалар учун барча қўлайликлар мавжуд. Қолаверса, замонавий лойиҳалар асосида коммуникация тизими ҳам яратилган. Энг муҳими, бу хонадонлар «Қамолот» ёшлар ижтимоий ҳаракати тавсиясига кўра, йигирма йил муддатга беш йиллик имтиёзли ипотека кредити ажратилиб, йўли билан берилмоқда.

— Турмуш ўртоғим Жасурбек ака билан Лалмихор саноат ва хизмат кўрсатиш

касб-хунар коллежида ўқитувчи бўлиб ишлаймиз, — дейди янги уйдаги кенг, ёрув ва шинам хонадонлардан бирининг калитини олган таъқвандо бўйича Ўзбекистон чемпиони Мафтуна Юсупова. — Бугунги кун бир умрга ёдимда қолади. Чунки худди шундай уйимиз бўлишини орзу қилардим. Ниятимга етдим. Бунинг учун биз, ёшларни фарздандларим, дея қўллаб-қувватлаётган, яхши яшашимиз, баркамол инсонлар бўлиб воғга етишимиз, истеъдод ва имкониятларимизни намойиш этишимиз учун барча шароитларни яратиб бераётган Юрбошимиздан жуда миннатдоримиз. Бу эътибор ва ҳамхўрлик, яратилган шароит бизни янада яхши меҳнат қилишга даъват этади.

Шу кунги Жасурбек ва Мафтуна сингари яна эллик беш оила янги уйга кўчиб кирди.

Иброҳим ЖОНУЗОҚОВ,
«Ўзбекистон овози»
мухбири.

ИСТИҚДОЛ ИМКОНИЯТЛАРИ

Инновацион ғоялар, технологиялар ва лойиҳалар

миллий иқтисодиёт тараққиётига хизмат қилади

Мамлакат иқтисодиётини модернизация қилиш, унинг илмий салоҳиятини янада юксалтиришда фан-таълим ва ишлаб чиқаришни интеграциялаштириш муҳим омиллардан саналади. Юртимизда сўнгги йилларда илмий-тадқиқот фаолияти самарадорлигини ошириш, республиканинг реал секторда инновацион фаолиятини юксалтириш, ижтимоий ва иқтисодий ривожлантиришда фанининг ролини кучайтиришга қаратилган кенг қўламли ишлар амалга оширилмоқда. Хусусан, Ўзбекистон Республикаси Президентининг 2008 йил 15 июлда «Инновацион лойиҳалар ва технологияларни ишлаб чиқаришга татбиқ этишни рағбатлантириш борасидаги қўшимча чора-тадбирлар тўғрисида» қарорига асосан, Инновацион ғоялар, технологиялар ва лойиҳалар республика ярмаркаси мунтазам равишда ўтказиб келинмоқда. Яқинда пойтахтимизда мазкур ярмарка саккизинчи маротаба ўтказилди. Унинг якунлари ва самараси ҳақида мухбиримиз

Ўзбекистон Республикаси Иқтисодиёт вазирлигининг Иқтисодиётни таркибий ўзгартариш дастурларини ишлаб чиқиш ва мониторинг бўлими бошлиғи Азиз Дильмурадов билан суҳбатлашди.

— Ярмаркада Ўзбекистон Фанлар академияси, Олий ва ўрта махсус таълим вазирлиги, Соғлиқни сақлаш вазирлиги, Қишлоқ ва сув хўжалиги вазирлиги ҳамда бошқа ташкилотларнинг 100 дан ортиқ илмий ва таълим муассасалари, илмий-тадқиқот, тажриба-конструкторлик ташкилотлари, шунингдек, ихтирочилар ҳамда хусусий корхоналар ўзларининг 604 та илмий-амалий техник ишланмаси билан иштирок этди, — дейди суҳбатдошимиз. — Шундан 387 ишланма янги бўлиб, олдинги ярмаркаларда намоиш этилмаган.

— Мазкур ишланмалар иқтисодиётнинг асосан қайси тармоқларига кўпроқ тегишли? Ярмаркага қизиқиш қандай бўлди?

— Тақдим этилаётган ишланмалар, иқтисодиётимизнинг қатор тармоқларида, асосан саноатда — 24,8 фоиз, соғлиқни сақлаш ва фармацевтикада — 13,6, ахборот технологиялари йўналишида — 12,4, қишлоқ хўжалиги соҳасида — 20, илм ва таълим йўналишида — 4,1, энергия ҳамда ресурстежамкор технологияларда — 8,3, юқори технологияларда — 5,1 фоизни ташкил этди. Шунингдек, ярмаркада ёш олимлар, талаба-



лар ва «Ёшларнинг инновацион ғоялари» республика қўрик-танлови ғолибларининг 70 та ишланмаси (11,6 фоиз) тақдим этилди ва улар иштирокчилар томонидан юқори баҳоланди. Ўтган йили бундай ишланмалар сони 50 дан ошмаган эди.

Ярмаркада 12 мингдан ортиқ киши, жумладан, катта ва кичик саноат бизнес раҳбарлари ва вакиллари, фермерлар, олий таълим муассасалари ва илмий тадқиқот институтларининг илмий ходимлари, олий ўқув юртлири талабалари ҳамда коллеж ўқувчилари, шунингдек, хорижий элчихоналари ва ваколатхоналар вакиллари иштирок этди.

Ярмарка доирасида илмий техника махсулотлари ишлаб чиқарувчилар ва истеъмолчилар ўртасида умумий қиймати 25,7 млрд. сўмлик жами 776 шартнома имзоланди. Умуман, замонавий технологияларни ишлаб чиқаришга жорий этиш натижасида 2008 йилдан 2015 йилгача 23 турдаги 1 триллион сўмдан ортиқ инновацион махсулотларни серияли ишлаб чиқариш йўлга қўйилди. Ушбу рақам ва фактлар ярмаркага қизиқиш анча юқори бўлгани ҳамда у самарали ўтганини билдиради.

— Катта талабага эга бўлган ишланмалар тўғрисида ҳам тўхталсангиз...

— Истеъмолчилар орасида катта талабага эга бўлган ишланмалар орасида Урганч давлат университетининг мева ва сабзавотларни қуритиш ускунаси, «Ливадия-Бухара» хусусий корхонасининг инфрақизил-импульсли қуритиш мосламаси, Буюк Британиянинг Кембриж университети ишти-

рокида ташкил этилган Юқори технологиялар ўқув-экспериментал марказининг уруғларни суний яратиш технологияси асосида олинадиган павловния дарахтининг қўчалари, Ўзбекистон Республикаси Фанлар Академиясининг «Физика-қўёш» илмий ишлаб чиқариш бирлашмасининг кичик қўёш фотоелектр станцияси, Фарғона инновация фаолияти ва технологиялар трансфери марказининг қишлоқ хўжалиги махсулотлари ҳосилдорлигини ошириш биоўғити кабилари алоҳида кўрсатиш мумкин.

Айтиш жоизки, уларнинг ҳар бири ўз йўналиши бўйича ишлаб чиқаришда янги инновацион фаолиятнинг юксалишига замин яратди. Мисол учун, биргина павловния дарахтининг суний уруғларини «in vitro» усулида етиштириш ва кўпайтириш технологиясини олайлик.

«In vitro» пробиркаларда ўсимликни микроклонлаштириш орқали кўпайтиришда, материалларни бир-бирига сифатли ўтказишда тезкор усул ҳисобланиб, унинг бир қатор афзалликлари мавжуд. Бу афзалликлар павловния дарахтидан генетик жиҳатдан бир турдаги экин қўчаларини олиш; вируслардан озод қилиш; кўпайтириш коэффициентини ошириш; тез ўсишини таъминлаш каби жиҳатларда кўринади.

Павловния дарахтидан йилига 3-5 метр атрофида ўсиб, ҳар уч йилда гектаридан 100 тоннагача биомасса олиш имконини беради. Қолаверса, ундан олинган ёғоч материаллари ўзининг юқори зичлиги, мустаҳкамлиги, деформацияга

чидамлилиги билан ҳам тавсияланади. Истиқболда мамлакатимиз мебель саноатида бу дарахт ёғочларидан кенг фойдаланиш мумкин.

Тошкент давлат техника университети илмий жамоаси томонидан яратилган энергия тежовчи асинхрон электр қурilmаси ҳам эътиборга молик. Ушбу қурilmанинг саноат корхоналарига татбиқ этилиши 20-30 фоизгача электр энергиясини тежаш имконини беради. Мазкур ишланма Навоий, Олмалиқ тоғ-кон металлургия, шунингдек, бир қатор йирик саноат корхоналарида жорий этилиб, сезиларли электр энергияси самарадорлигига эришилади.

Ярмаркада ҳудудий даражада ҳам анча фаоллик сезилди. Мисол учун, Андижон вилояти тадбиркорлик субъектлари ва фермерлари томонидан илмий-техник махсулотларни харид қилиш бўйича 103 шартнома имзоланган бўлса, Фарғона вилояти — 100, Самарқанд вилояти — 77, Тошкент шаҳри — 68 ва Тошкент вилояти бўйича 64 шартнома имзоланган.

— Ярмарканинг олдинги йиллари ўтказилганларидан қандай фарқли жиҳатлари бор?

— Шунинг алоҳида таъкидлаш жоизки, бу гал ярмарка доирасида илк маротаба Халқаро инновацион форум ўтказилиб, унда 39 нафар хорижий иштирокчи, жумладан, АКШ, Германия, Италия, Франция, Япония, Греция, Польша ва Россия давлатларининг 20 нафардан ортиқ олимлари ва мутахассислари ҳамда Тошкент шаҳрида жойлашган халқаро ташкилотларнинг 19 нафар вакили иштирок этди.

Форум доирасида илмий ва технологик паркларни қўллаб-қувватлаш, корхоналарни бошқариш бўйича инновацион ёндашув, илм ва ишлаб чиқариш интеграцияси, ёшларнинг инновацион фаолиятини қўллаб-қувватлашда ривожланган давлатларнинг тажрибаси, инновацион иқтисодиёт учун кадрларни тайёрлаш масалаларига ҳам алоҳида эътибор қаратилди.

Таъкидлаш керакки, ишлаб чиқаришга замонавий технологиялар, инновацион лойиҳаларни татбиқ этишга қаратилган бундай заъи ҳаракатлар натижасида иқтисодиётимизнинг реал секторда инновацион фаолият самарадорлиги ошмоқда, илм-фан, таълим ва ишлаб чиқаришнинг ўзаро интеграциялашуви янада мустаҳкамланмоқда.

«Ўзбекистон овози» мухбири
Обиддин МАХМУДОВ
суҳбатлашди.



70 децибел

иш қобилиятига акс
таъсир этмайди

Иллинойс университетининг профессори Рави Мехта бошчилигидаги экспертлар гуруҳи томонидан шовқиннинг инсон саломатлигига таъсири илмий кузатувлар асосида ўрганилди. Хулоса шу бўлдики, 70 децибелгача бўлган турли товуш ва шовқинлар инсон саломатлигига акс таъсир кўрсатмас экан.

Баланд частотали шовқиннинг саломатликка зарари ҳақида кўп эшитганмиз. Дарҳақиқат, кучли шовқин нафақат кулоқ пардаларига, балки асаб тизимига ҳам зарар етказиши. Шу боис тўйларни кулоқни қоматга келтирадиган шовқинли мусиқалар билан эмас, балки паст частотали




товушда жаранглайдиган мусиқалар билан ўтказиш тавсия этилмоқда.

Тадқиқотда аниқландики, паст частотали мусиқа товушлари мианинг ишлаш қобилиятини оширувчи кучга эга экан. Фақат товуш кучи 70 децибелдан ошмаслиги керак.

70 децибел кўчада ўтиб кетаётган автомобиль шовқини кучига тенгдир.

Одам органини кўчириб ўтқизиш фан ютуғими ёки...

Аслида одам органларини кўчириб ўтқизиш фан ютуғи ҳисобланади. Аммо ўзга тананинг бирор-бир органини бошқа тананга минг бир тўқималари билан жой-жойига кўчириб ўтқизиш бугунги фан учун босиб ўтилган қадам бўлиб қолди. Шифокорлар эса органларни кўчириб ўтқизиш фан ютуғи сифатида тарғиб қилинмаслиги, балки соғлом турмуш тарзини яратиш ва унга қатъий риоя этиб яшаш кенг тарғиб қилиниши, шунда органлар савдосига эҳтиёж қўлмаслигини таъкидлашмоқда.



Уларнинг гапида жон бор. Чунки бугунги кунда орган алмаштиришни назарда тутувчи жарроҳлик амаллари дунё бўйича 10 мингдан ошиб кетди. Бу операциянинг асосий қисмини буйрак алмаштириш ташкил қилмоқда. Покистон, Хиндистон ва Хитойда бундай операцияларни ўтказиш кўпайиб бормоқда.

Ачинарлиси, одам органларини етказиб бериш билан ошқора шуғулланувчи фирмалар ҳам пайдо бўлаётди.

«The Guardian» репортёрининг хабар қилишича, у Хитой кўчаларидан бирда шундай рекламага қўзи тушган: «Буйрагингни сот, iPad сотиб ол». Рекламада фирма мижоз учун 2,5 минг фунт тақлиф қилиши ёзилган.

Маълумотларга қараганда, Эрон одам органларини сотишга қонуний рухсат берилган дунёдаги ягона мамлакатдир. Шу боис бу ердаги савдо-хоналар атрофида органлар касалони ҳақидаги қўллаб-қувватлаш ёрликларига гувоҳ бўлиш мумкин.

Айни пайтда АКШнинг ўзида буйрагини алмаштириш учун минг-минглаб кишилар навбати келишини кутмоқда.

ПОЛЬШАНИНГ СУЛЕОБЕК ШАҲРИДА ЎЗБЕКИСТОННИНГ ВАРШАВАДАГИ ЭЛЧИХОНАСИ ВАКИЛЛАРИНИНГ «PPUN NORUS ENERGIA SP.Z.O.O.» КОМПАНИЯСИ БОШҚАРУВИ АЪЗОЛАРИ БИЛАН УЧРАШУВИ БЎЛИБ ЎТДИ. МАЗКУР КОМПАНИЯ ЭЛЕКТР ЭНЕРГИЯСИ ИШЛАБ ЧИҚАРИШ УЧУН АСОБ-УСКУНАЛАР (ШУ ЖУМЛАДАН, МУҚОБИЛ ЭНЕРГИЯ МАНБАЛАРИДАН) ИШЛАБ ЧИҚАРИШГА ИХТИСОСЛАШГАН. ТАДБИР ДОИРАСИДА МАМЛАКАТИМИЗ ИҚТИСОДИЁТИНИНГ ТУРЛИ ЖАБҲАЛАРДАГИ САРМОВЯВИЙ САЛОҲИЯТИ ТАҚДИМОТ МАРОСИМИ ТАШКИЛ ЭТИЛДИ.



■ БЕЛЬГИЯДА «UZBEKISTAN PROFILE» НОМИЛИ ЯНГИ ОЙЛИК АХБОРОТ БЮЛЛЕТЕНИ НАШРДАН ЧИҚА БОШЛАДИ. МАМЛАКАТИМИЗНИНГ БРЮССЕЛДАГИ ЭЛЧИХОНАСИ ТОМОНИДАН ЧОП ЭТИЛАДИГАН УШБУ НАШРДА ЎЗБЕКИСТОННИНГ ЗАМОНАВИЙ ИЖТИМОЙ-ИҚТИСОДИЙ РИВОЖЛАНИШИ ҲАҚИДАГИ ХАБАР-МАҚОЛАЛАР МУНТАЗАМ РАВИШДА ЕВРОПАЛИК ЎҚУВЧИЛАРНИНГ ЭЪТИБОРИГА ҲАВОЛА ҚИЛИНАДИ. ИНГЛИЗ ТИЛИДА ЧИҚА БОШЛАГАН «UZBEKISTAN PROFILE» ЕВРОПАНИНГ СИЁСИЙ, ИШБИЛАРМОН, ЭКСПЕРТ ВА ЖАМОАТЧИЛИК ДОИРАЛАРИ, ЕВРОПА ИТТИФОҚИ ИНСТИТУТЛАРИ, ЕВРОПАРЛАМЕНТ, НАТО ВАКИЛЛАРИ ҲАМДА БРЮССЕЛДА АККРЕДИТАЦИЯДАН ЎТГАН БОШҚА ХАЛҚАРО ТАШКИЛОТЛАР ЎРТАСИДА ТАРҚАТИЛАДИ.



СПОРТ

Кунни кеча Ўзбекистон футбол федерациясида ўтказилган матбуот анжуманида ҳам шу ҳақда сўз борди

ЖАҲОН ЧЕМПИОНАТИГА ЧИҚИШ — ХАЛҚИМИЗНИНГ ОРЗУСИ!

Кейинги йилларда юртимизда миллионлар ўйини — футболни янада тараққий эттириш йўлида олиб борилаётган ишлар, айниқса, болалар футболга берилган катта эътибор ва ғамхўрлик ўз самараларини бера бошлади. Ўзбекистон ўсмирлар, ёшлар терма жамоалари нафақат Осиё миқёсида ютуқларга эришмоқда, балки жаҳон чемпионатларида ўзларининг муносиб ўйинлари билан эътибор қозоняпти. Бу қувонарли, албатта.

Аммо мамлакатимиз бош жамоаси — Ўзбекистон миллий терма жамоаси кўлга киритаётган натижалар билан ҳозирча мақтана олмаيمиз. Шу йилнинг 6 июнида 2018 йили Россияда бўладиган жаҳон чемпионати Осиё минтақаси саралаш ўрашувларининг иккинчи босқичига старт берилди. Унда Ўзбекистон миллий терма жамоаси Миржалол Қосимов бош мураббийлигида дастлабки ўрашувни сафарда КХДР футболчилари билан ўтказди. Афсуски, мазкур ўйинда футболчиларимиз рақибига 2:4 ҳисобидан имкониятни бой берди. Натижада Ўзбекистон футбол федерацияси терма жамоа мураббийлар штабига жиддий ўзгаришларни амалга оширди.

Тошкентнинг «Пахтакор» футбол клуби бош менежери Самвел Бабаев Ўзбекистон миллий терма жамоаси бош мураббийи этиб тайинланди. Шунингдек, 2016 йили Рио-де-Жанейрода бўладиган XXXI ёзи Олимпия ўйинлари йўланмаси учун курашаётган Ўзбекистон Олимпия терма жамоаси мураббийлари штабига ҳам ўзгариш юз берди. Олимпиячиларимиз бош мураббийи Бахтиёр Ашурматов вазифасидан озод этилиб, унинг ўрнида «Пахтакор» жамоаси катта мураббийи Виктор Жалилов иш бошлади.

Хўш, Ўзбекистон Олимпия ва миллий терма жамоаларининг кейинги тақдири нима бўлади? Футболчиларимизнинг жаҳон чемпионати ва Олимпия ўйинларига йўланмаларни кўлга киритиши учун қандай чоралар кўрилади?

Ўзбекистон футбол федерациясида ўтказилган матбуот анжуманида УФФ Терма жамоалар маркази раҳбари Аскар Толибжонов, Ўзбекистон миллий терма жамоаси бош мураббийи Самвел Бабаев, Олимпия терма жамоаси бош мураббийи Виктор Жалилов ҳамда терма жамоалар техник директори Деян Жүржевич иштирок этди.

Аскар ТОЛИБЖОНОВ, Терма жамоалар маркази директори: — Бир неча кун муқаддам УФФ Ижроия қўмитаси йиғилишида миллий ва Олимпия терма жамоаларига ҳорижлик мутахассисни жалб қилиш қарори қабул қилинган эди.

Яқинда сербиялик ёшлар жаҳон чемпионатида ғолиб чиқди. Сабаби — у ерда болалар ва ўсмирлар футболига катта эътибор қаратилмоқда. Бу борада Ўзбекистонга ҳам ҳавас қилса арзийди. Юртингизда жуда кўп бўлиб ёш ва қобилиятли футболчилар бор. Бабаев қандай мутахассис эканини ва талабчанлигини яхши биламан. Миллий терма жамоа учун барча бирлашиб ишлаши керак. Мен миллий, олимпия ва ёшлар терма жамоаларида «боғловчилик» қилмоқчиман. Бу борада Сербиядаги фаолиятим давомиди тажриба ортирганман. Ишончманки, Ўзбекистон 2018 йили бўладиган жаҳон чемпионатида йўланмани, албатта, кўлга киритади.

Виктор ЖАЛИЛОВ, Ўзбекистон Олимпия терма жамоаси бош мураббийи: — Мамлакат Олимпия терма жамоасига энг кучли футболчиларни жалб этишга ҳаракат қиламиз. Аслида мендан олдинги мураббийлар катта ҳажмдаги ишни олиб боришганини таъкидлайман. Июль ойидаги йиғинимизга бир қатор янги футболчиларни чақирдик. Ўз клубларида захирада қолиб кетаётган баъзи ўйинчиларга ҳам имкон берамиз. Ҳозир кенгайтирилган рўйхатимизда 50 нафар футболчи бор.

Бир сўз билан айтганда, Олимпия терма жамоаси эшиклари барча учун очик. Номзодлар орасидан энг муносиблари эса халқаро майдонда Ватанимиз шарафини ҳимоя қилади. Келаси йили Каттарда ёшлар (U-23) ўртасида ўтказиладиган Осиё чемпионатида кучли тўртлиқдан жой олиб, Рио-де-Жанейрода бўладиган XXXI ёзи Олимпия ўйинларига йўланмани кўлга киритиш учун бор куч-ғайратимизни аямаймиз.

Бундан буюн миллий терма жамоа ҳам, Олимпия терма жамоаси ҳам фақат ФИФА

Эрон ХОЛЕБО, «Ўзбекистон овози» мухбири.

«ШАРҚ ТАРОНАЛАРИ — 2015»

Ўнинчи фестиваль ўзгача ўтади

Самарқандда «Шарқ тароналари» ўнинчи халқаро мусиқа фестивалига кўрилаётган тайёргарлик жараёнларига бағишланган матбуот анжумани бўлиб ўтди.

Фестивалга тайёргарлик кўриш ва уни ўтказиш бўйича республика комиссияси ҳамда вилоят ишчи гуруҳи аъзолари иштирок этган тадбирда Президентимиз ташаббуси билан ташкил этилган ва 1997 йилдан буюн ҳар икки йилда бир марта анъанавий ўтказиб келинаётган мазкур санъат анжумани бугунги кунда дунёнинг энг нуфузли маданий форумларидан бирига айлангани таъкидланди.

Фестиваль матбуот хизмати раҳбари С.Остонов, «Шарқ тароналари» халқаро мусиқа фестивали дирекцияси ижроичи директори Т.Махмудов, ЮНЕСКО ишлари бўйича Ўзбекистон Республикаси миллий комиссияси масъул котиби А.Икромов, «Тасвирий ойна» ижодий уюшмаси



раиси И.Латинов ва бошқалар фестивалга кўрилаётган тайёргарлик ҳақида маълумот берди.

Ҳар гал фестивалнинг ўзига хос мазмун-моҳият касб этиши ва тадбирларнинг юқори савияда ўтказилиши боис «Шарқ тароналари»да қатнашиш истагини билдираётган мусиқа ва санъат намойиш этган бўлса, бу гал 65 давлатдан 320 дан зиёд иштирокчи келиши кутилмоқда. Португалия, Маврикия, Бутан, Коста-Рика, Мали, Перу, Эквадор давлатлари вақилларининг илк бор фестивалда қатнашиши кутилмоқда.

Фестиваль ЮНЕСКО шарфелигида ўтказиладигани туфайли унда мазкур халқаро ташкилот раҳбарларининг расмий меҳмон сифатида иштирок этиши анъанага айланган. Ҳусусан, 2013 йилги фестивалда ЮНЕСКО Бош директори Ирина Бокова қатнашган эди.

Фестиваль доирасида «Шарқ халқлари мусиқа маданиятининг муштараклиги» мавзусида илмий-назарий конференция ўтказилади, — дейди мазкур анжуман раҳбари, санъатшунослик доктори, профессор Рустам Абдуллаев. — Шарқ анъанавий мусиқаси ривожланишининг босқичлари ва унинг жаҳон мусиқа маданияти ривожигаги ўрнини ўрганиш мақсадида ташкил этилаётган бу йил-

ги анжуманда ҳозиргача 15 давлатдан олимлар қатнашиш истагини билдирган. Ҳозир конференция дастури тайёрланмоқда.

Матбуот анжуманида фестивалга тайёргарлик доирасида Самарқанд шаҳрида меҳмонларни қутиб олиш ва уларни меҳмонхоналарга жойлаштириш, юқори сифатли замонавий хизматлар кўрсатишга кўрилаётган тайёргарлик, амалга оширилаётган бунёдкорлик ва ободонлаштириш ишлари ҳақида ҳам маълумот берилди.

Матбуот анжуманида журналистларни қизиқтирган саволларга атрофлича жавоб қайтарилди.

Ҳ.ҲАСАНОВ,
ЎЗА мухбири

РЕКЛАМА



ЎЗБЕКИСТОН РЕСПУБЛИКАСИ АҲОЛИСИ ВА МЕҲМОНЛАРИ ДИҚҚАТИГА!

Ўзбекистон Республикасининг амалдаги қонунчилигига мувофиқ, Ўзбекистон Республикаси Ахборот технологиялари ва коммуникацияларини ривожлантириш вазирлиги «Электромагнит мослашув маркази» давлат унитар корхонаси огоҳлантиради:

Республика ҳудудига рухсатномасиз ва сертификатсиз олиб кирилган ҳамда сотувда бўлган ва ишлатилаётган радиоэлектрон алоқа воситалари (узоқ масофали радиоузаитиргичлар, радиостанциялар ва бошқа радиоузаитгич воситалари) ўрнатилган тартибда мусодара қилинади ва уларни олиб киришни амалга оширган шахсларга нисбатан маъмурий жавобгарлик чоралари кўрилади.

Радиоэлектрон алоқа воситаларини республика ҳудудига олиб кириш учун рухсатнома олиш ва ўрнатилган тартибда рўйхатдан ўтказишни расмийлаштириш масалалари бўйича Электромагнит мослашув маркази ва унинг ҳудудий бўлимларига мурожаат қилинг.

БИЗНИНГ МАНЗИЛЛАР:

Тошкент шаҳри, Нукус кўчаси, 22-уй, блок «В», тел: 230-61-13, 202-61-68.
Андижон шаҳри, Чўлпон шоҳ кўчаси, 5-уй, 49-хонадон, тел: 230-64-65.
Бухоро шаҳри, академик И. Мўминов кўчаси, 2-уй, тел: 230-64-66.
Жиззах шаҳри, Халқлар дўстлиги шоҳ кўчаси, АТС-4 биноси, тел: 230-64-68.
Нукус шаҳри, Ерназар Алақоз кўчаси, ШАТС биноси, тел: 230-64-75.
Қарши шаҳри, 2-микрорайон, 43-уй, 62-хонадон, тел: 230-64-78.

Навоий шаҳри, Амир Темур кўчаси, 4-уй, 802-хона, тел: 230-64-69.
Наманган шаҳри, Марғилон кўчаси, 8-а уй, 2-корпус, 54-хонадон, тел: 230-64-72.
Самарқанд тумани, Ўрташиқ қишлоғи, ТРНС, тел: 230-64-80.
Термиз шаҳри, 5-кичик даҳа, 1-уй, 16-хонадон, тел: 230-64-79.
Гулистон шаҳри, Мустақиллик кўчаси, 54-уй, тел: 230-64-67.
Фарғона шаҳри, Алишер Навоий кўчаси, 37-г уй, 36-хонадон, тел: 230-64-74.
Урганч шаҳри, Нажмиддин Кубро кўчаси, 7-уй, тел: 230-64-77.

ИХТИРОЧИ ЁШЛАР

Самарқанд давлат архитектура-қурилиш институти ёш олим Манучеҳр Бобокалонов электрон рақамли аҳоли харитасини яратди. Ушбу харита аҳоли сони ва яшаш географияси ҳақида батафсил ахборот олиш имконини беради.

АҲОЛИ ХАРИТАСИ ЭЛЕКТРОН КЎРИНИШДА

Манучеҳр Бобокалонов дастлаб илмий изланишлар давомида геоахборот тизими технологиялари асосида электрон кўринишдаги аҳоли харитасини яратиш ғоясини такомиллаштирди. Кейин тўпланган маълумотларни умумлаштириб, геодезия соҳасида қўлланиладиган электрон дастурлар (Arc GIS 9.3 дастури) асосида электрон рақамли аҳоли харитасини тузишга киришди. Дастлабки синов-тажриба Самарқанд вилоятининг Каттакўрган туманидаги «Чароғон» маҳалласида ўтказилди. Мазкур харитадан ҳар бир хонадон ҳақида маълумотларни олиш мумкин. Бунинг учун хонадоннинг тартиб рақами устига компютер сичқончаси тугмасини босиш kifоя. Шу тарика ёш олим электрон кўринишдаги аҳоли харитаси яратиш ғоясини ҳам назарий, ҳам амалий жиҳатдан асослади.

— Харитада маълумотларни ўзгартириш имкони ҳам бор, — дейди Манучеҳр. — Бунда устуғли диаграммалар автоматик тарзда ўзгаради. Аҳоли сонининг ўсишини ўз вақтида қайд этиб боришда бу кўл келади.

Хаританинг аҳамияти ва имкониятлари катта, — дейди Манучеҳрнинг устози, техника фанлари номзоди Эркин Исоқов. — У келгусида аҳоли таркибини аниқлаш, уларни озиқ-овқат маҳсулотлари билан таъминлаш, атроф-муҳитга кўрсатилаётган салбий таъсирни бартараф этиш ҳамда бошқа статистик маълумотларни тузишда кўл келади.

Абдусалим МАҲМУДОВ,
«Ўзбекистон овози» мухбири.

ОБ-ХАВО	11-12.07 — 2015
Юртимиз бўйлаб (°C)	
Қорақалпоғистон Республикаси ва Хоразм вилояти	
+20 / +25	+35 / +40
Бухоро ва Навоий вилоятлари	
+20 / +25	+35 / +40
Тошкент, Самарқанд, Жиззах, Сирдарё вилоятлари	
+18 / +23	+33 / +38
Қашқадарё, Сурхондарё вилоятлари	
+21 / +26	+37 / +42
Андижон, Наманган, Фарғона вилоятлари	
+18 / +23	+33 / +38
Тошкент шаҳри	
+20 / +22	+37 / +39

ЭЪЛОН

Фармацевтика фаолияти билан шуғулланувчи ишлаб чиқарувчи корхоналар, фирма ва компаниялар раҳбарлари диққатига!

АНДИЖОН ВИЛОЯТ СОҒЛИҚНИ САҚЛАШ БОШҚАРМАСИ

қишлоқ врачлик пунктлари учун зарур дори воситалари, тиббий ашёлар ва реактивларни марказлашган асосда сотиб олиш бўйича тендер савдолари эълон қилади.

Тендерда қўйиладиган шартларни бажарган, харид қилинадиган маҳсулотларнинг тегишли ҳажмларини etkazиб бериш тажрибасига эга бўлган фармацевтика маҳсулотларини ишлаб чиқарувчи корхоналар ва улгўржи ташкилотлар қатнашиши мумкин.

Қўшимча маълумотлар учун қуйидаги манзилга мурожаат қилиш сўралади:

Андижон вилоят соғлиқни сақлаш бошқармаси.
Манзил: Андижон шаҳри, Амир Умархон кўчаси, 19-уй.
Тел/факс: (0-374) 228-42-84.
e-mail: info@avhssb.uz

«Нуроний» жамғармаси Самарқанд вилоят бўлими меҳнат фахрийи **Полнов ТОШНИЁЗОВНИНГ** вафоти муносабати билан марҳумнинг оила аъзолари ва яқинларига чўқур таъзия изҳор этади.

MUASSIS:



O'ZBEKISTON XALQ DEMOKRATIK PARTIYASI
MARKAZIY KENGASHI

Bosh muharrir: Safar OSTONOV

TAHRIR HAY'ATI:

Abdulla ORIPOV
Hotamjon KETMONOV
Ulug'bek VAOYEV
Rustam KAMILOV
Sharbat ABDULLAYEVA
Ulug'bek
MUSTAFOYEV
Muslihiddin
MUHIDDINOV
Ochilboy RAMATOV
Saidahmad RAHIMOV
Farrux HAMROYEV
(Bosh muharrir birinchi o'rinbosari)
Tat'yana KISTANOVA
(Bosh muharrir o'rinbosari)

Qabulxona — 233-65-45
Xatlar va murojaatlar uchun — 233-12-56
E-mail: info@uzbekistonovozi.uz

MANZILIMIZ:
100000, Toshkent,
Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.
«Sharq» nashriyot-matbaa aksiyadorlik kompaniyasi boshmaxonasi chop etildi.
Korxonamanzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 2 bosma taboq.

Gazeta seshanba, payshanba va shanba kunlari chiqadi.
«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 759
11156
nuxxada bosildi.
Nashr ko'rsatkichi — 220
t — Tijorat materiallari
O'za yakuni — 02.30
Topshirilgan vaqti — 02.50

Sotuvda kelishilgan narxda

